

黃氏逸書考

海東先生集

子史鉤沉

逸書考

徐廣晉紀

甘泉黃奭學

肅宗明帝

肅宗遺詔庾亮王導輔幼主而進大臣陶侃
祖約不在其列侃約疑亮寢遺詔也

世說容止篇注

太宗簡文帝

咸安元年十二月熒惑逆行入太微至二年

七月猶在焉帝懲海西之事心甚憂之

世說言語

篇注

孝武帝

孝武寧康二年尚書令王彪之等啟改作新宮太元三年二月內外軍六千人始營築至七月而成太極殿高八丈長二十七丈廣十丈尚書謝萬監試賜爵關內侯大匠王安之關中侯

世說方正篇注

太元二十年九月有蓬星如粉絮東南行歷須女至央星

世說雅量篇注

王導

導阿衡三世經綸夷險政務寬恕事從簡易

故垂遺愛之譽也

世說政事篇注

庾羲

羲字叔和太尉亮第三子拔尙率到建威

將軍吳國內史

世說方正篇注

庾龢

龢字道季太尉亮子也風情率悟以文談致

稱於時厯仕至丹陽尹兼中領軍

世說言語篇注

庾倩

倩字少彥司空冰子皇后兄也有才具仕至
太宰長史桓溫以其宗彊使下邳王晃誣與
謀反而誅之

世說賞譽篇注

王述

述貞審真意不顯

世說賞譽篇注

顧顯

顯字孟著吳郡人驃騎榮之子少有重名泰

興中爲騎郎蚤卒時爲悼惜之

世說方正篇注

江彪

江彪字思玄陳留人博學知名兼善奕爲中興之冠累遷尚書左僕射護軍將軍

世說方正篇注

江惇

江惇字思悛陳留人僕射彪弟也性篤學手不釋書博覽墳典儒道兼綜徵聘無所就年四十九而卒

世說賞譽篇注

殷浩

浩清言妙辯玄致當時名流皆爲其美譽

世說

賞譽篇注

王愉

王愉字茂和太原晉陽人安北將軍坦之次子也以輔國司馬出爲江州刺史愉始至鎮而桓玄楊佺舉兵以應王恭乘流奄至愉無防惶惧奔臨川爲玄所得玄篡位遷尙書左僕射

世說德行篇注

劉瑗之

劉瑗之字遵祖沛郡人少有才學能言理歷

中書郎宣城太守

世說排調篇注

王濛 劉惔

凡稱風流者皆舉王劉爲宗焉世說品藻篇注

說新語注

緯畧三引皆舉作以

劉淵

劉淵自離石南移蒲子水經河水注

石遵

石遵自李城北入斬張豺於安陽水經洹水注

水經注

世祖武帝

太康五年八月嘉禾生南昌九月懷帝生

文選

千令升晉紀總論注

盧諶

盧諶字子諒范陽人也有才理顯宗徵爲散騎常侍段末波愛其才託以道險終不遣之末波死諶依石季龍冉閔誅石氏諶隨閔軍遇害

文選盧子諒覽古詩注

鮮卑

鮮卑以碧石爲寶

文選王元長三月三日曲水得序注

已上文選注

陸亮

吏部陸亮山濤知其非才啟可爲左丞帝遂
便爲吏部郎其後果以私被黜

書鈔六十

王述

王述不拜中書監患腳就拜尙書令於府囑
事也

書鈔五十九

劉儉

東海劉儉請修色養居喪過禮除郎中

書鈔六十

三
已上北堂書鈔

孝愍帝

愍帝建興四年京城糧盡屑麴爲粥以供帝

食

初學記二十六

原譌作惠帝案建興是

工戎

王戎餽財賄家僮數百計算金帛有如不足

以此獲譏於時

初學記十八

已上初學記

張華

張華少自牧羊而篤志好學初爲縣吏盧欽

奇其才數稱薦之

藝文五十二

御覽六百

石苞

魏謁者郭元信出使從宏農求御人遣石苞
及鄧艾爲御行十里元信謂二人曰子並當
至將相旣而苞爲縣吏到鄴買鐵於市市長
趙元儒異之曰公輔才也遂與交稍遷至宏
農司馬欲求縣吏部郎許允謂苞曰君我輩
人也當相引置朝廷何欲小縣乎苞還嘆不
意允之知己

御覽四百四十二

鄭袤

鄭袤純和有識初荀攸見袤曰鄭公業爲不
亡矣時相國掾魏諷有盛名同郡任覽謂袤
曰諷姦雄必以禍終子宜絕之後諷果敗司
空王朗掾案掾上脫委以求才舉高陽許允
扶風魯芝東萊王基並爲名臣御覽四百四十二又四百

一引相國掾魏諷有盛名同郡任覽與諷友善鄭袤謂寬曰諷姦雄必以禍終子宜絕之後諷果敗案前後所引不同據晉書鄭袤傳與四百一同

石崇

石季倫甚富侈衣服伎樂夸於許史有妓人

曰綠珠美孫秀欲之使人求焉崇盡出其婢
妾數十人皆蘊蘭麝而被羅縠御覽四百七

劉弘

劉弘字和季在襄陽帝在西京命弘選良才
乃稱守宰徵士武陵五朝字世朗高尚荆王
牙門將魯國皮初有勲江漢弘上言朝爲零
陵太守初爲襄陽內史詔以襄陽顯郡初資
名六允以弘女壻前東平太守夏侯氏爲襄
陽弘曰夫總天下者當與天下同心治一國

者當與一國推實吾總荊州十郡安得十女
堦然後爲治乃表陟
制不得相陵
御覽
四百二十九

賀循

中宗令曰太常賀循冰清玉潔行爲表俗孤
會造其廬屋室服物周身而已賜牀褥錢二
十萬
御覽四百二十五

顧和

成帝有乳母經營艱苦詔假其名號顧和諫

曰保母奉佑聖躬不遺其勲第舍供給已爲
隆厚若假以名號非令典也書而不法後嗣
何觀帝乃止

御覽四百五十二

桓溫

桓溫才氣雄雋恢爽陵邁溫嶠見其幼時知
必非常故父彞字曰溫

御覽三百六十二

霍彪

霍彪爲賊費黑所隔積百日殺馬燒皮鎧食
之

御覽三百二十